

Wednesday, March 19, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

HEALTH CARE SCHEME

Thla thar April ni 1 atanga hman tan tur, damdawiina a thlawna inenkawlana tur Mizoram Universal Healthcare Scheme (MUHCS) chu vawiin khan Chioef Minister Pu Lalduhoman a tlangzarh.

Sorkar laipui scheme AB PMJAY, Mizoram Health Care Scheme leh Sawrkar MR te chu huang khatah chhunfinin, kalphung khat hnuaia kalpui tur a ni a, Civil Pensioner leh Provisional Employess te pawh he scheme hi tuamtir an ni.

He scheme hnuaiah hian damdawiin luh ni leh chhuah ni inkara inenkawlana senso te chu damlo ten an pek ngai lovin a thlawnin damdawiinah inenkawlana an dawng thei dawn a, a hman theihna tur damdawiin chu tun dinhmunah sorkar damdawiin te an ni a, empanelment hawn mek a ni a, private hospital hemi hnuaia inziaklut duh te tan inziahluh theih a ni dawn a ni.



ASSEMBLY SPEAKER

Assembly Speaker Pu Lalbiakzama'n Assembly rorel inkhawmah House member te chu House zahawm, in vawng fel an nihna chhawm nung hram hram turin member te a chah.

Assembly Speaker Pu Lalbiakzama chuan vawiin Assembly rorel inkhawm tan tirhah House member te chu nizan Assembly rorel inkhawma Minister thusawi laia House member pakhatin sawi duh a neih sawi a tum nghal mai chu kalphung pel a nih thu sawiin, member dangten ten mipui rilru sukthlek tumna ni-a ngaia an khapna lamah boruak ri laih laih ang kha thleng nawn tawh lo se a duh tih a sawi. Nizana Minister demand chungchang sawihona tawp lamah Minister Pu B.Lalchhanzova'n a enkawl department pahnih sum mamawh pass a dil dawn laiin Hachhek bialtu, MLA Pu Robert Romawia Royte chuan One nation, one ration chungchang sawi chhuakin, Zampui leh Phuldungsei khaw mite chu a nghakhleltu leh Mizorama awm duh an nih laiin, kum 2024 March atanga May thla inkar khan Mizoram sorkar chuan Mizoram leh Tripura-ah an awm kawp tih hria in, an paih chu pawh a tih thu a sawi a, thih leh dam inkar niin a sawi a, hemi chungchang hi Hrangturzo bialtu Pu Lalmuanpuia Punte leh member dangten hnialin, inhnialna nasa tak a chhuak zui ta a ni.

Speaker chuan House Member te chu sawi duh leh ngaimawh an nei a nih chuan Minister leh member te din laia tibuai lovin chair-a thu te dil tur emaw rule number 335 hmangin a hranpa in an sawi duh sawina hun dil turin a chah a. Speaker chuan tunhma atanga House inthunun tha, House zahawm, in vawng fel an nihna chhawm nung hram hram turin member te a ngen a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.



CM

Chief Minister Pu Lalduhoma'n Mizoram Sorkarin sawhthing, aieng, hmarcha, hmunphiah leh buh humah te Support Price pek a tum tih a sawi.

Vawiina Assembly rorel inkhawma zawhna leh chhanna huna, Agriculture & Farmers' Welfare Department changtu Minister Pu P.C. Vanlalruata chu rokhawlhna avanga a kal theih loh avangin a aiawhin, Chief Minister Pu Lalduhoma chuan zawhna chhangin, Mizoram Sorkar chuan sawhthing, aieng, hmarcha, hmunphiah leh buh humah te Support Price pek a tum a, kum 2024 October atanga kum 2025 February thla chhung atan sawhthing hring chu kg 1-ah cheng 50, Aieng hring chu kg 1-ah cheng 20, Aieng ro chu kg 1-ah cheng 130, Aieng pho ro chu kg 1-ah cheng 150, Mizo hmarcha ro chu kg 1-ah cheng 350, Hmunphiah ro (Grade A) chu kg 1-ah cheng 100, Hmunphiah ro (Grade B) chu kg 1-ah cheng 80, Buh hum kg 1-ah cheng 30 minimum rate a siam a, minimum rate anga an hralh theih lohna zelah sorkar chuan Support price a pe dawn tih House a hrih a ni.



AMC

Aizawl Municipal Corporation Mayor Pu Lalrinenga Sailo chuan Treasury Bazar a eizawng tute zinga insawn duh lo tlemte chu thil awmzia ngaihtuah chianga AMC ruahmanna dodal lo hram turin a duh a ni, a ti.

He thu hi vawiina AMC Market, Tuikual South ah sawiin Pu Lalrinenga Sailo chuan tun tuma Aizawl Treasury Bazar a kangmei chhuak chuan Mizoram Legislative Assembly bang te a hliau a, a bula office pawh a kang ral vek a hei hian office dangte dinhmun hlauhawm takah a siam a ni, a ti a. India ram sawrkarin eizawna mumal neilote intunnun nana kawng kama inzawrh theihna dan a awm a, hmun pawimawha inzawrh chu khap tlat a. Mipui tam zawk hamthatna leh sorkar thil pawimawh venhim chu a pawimawh a ni, a ti.

Mayor chuan, Treasury Bazar leh a chhehvel chu survey neih a ni tawh a, kum 2016-17 chhung khan chawhmeh zawrhna dawhkan 150 chuang pek a ni a. Chumi ruala insawna tur buaipui nghal a nih thu a sawi bawh a ni. Pu Lalrinenga Sailo chuan kum 2016 December ni 9 khan Treasury Bazar Association leh AMC te chuan inremna an sign tawh tih sawi bawkin, asn

inremna thuthlungah chuan Treasury Bazar chu AMC in tha a tih huna titawpin hmun danga insawn theih a nih thu leh bazar hmangtuten harsatna an siam loh tur thu an intiam a ni, a ti.

AMC Mayor Pu Lalrinenga Sailo chuan AMC in nikum May ni 1 khan Notification a tihchhuah thu leh nikum May ni 6 ral hmaa insawn thla vek tura hriattirnaa siam a nih thu a sawi a. Nikum May ni 27 , MAY ni 31 leh June ni 1 vek khan Treasury Bazara thilzuara thute insawna tura hriattirna chu chanchinbu kaltlanga chhuah a nih thu a sawi bawka ni.

